

CYNGOR CAERDYDD

DEDDF SAFONAU A THREFNIADAETH YSGOLION (CYMRU) 2013

DARPARIAETH ANGHENION DYSGU YCHWANEGOL

YSGOL UWCHRADD FITZALAN

HYSBYSIR DRWY HYN yn unol ag Adran 42 o Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, bod Cyngor Caerdydd ("yr Awdurdod"), ar ôl ymgynghori ag unrhyw bersonau yr oedd yn ymddangos iddynt eu bod yn briodol, yn cynnig newid Ysgol Uwchradd Fitzalan, Leckwith Road, Treganna, Caerdydd CF11 8AP fel a ganlyn:

- sefydlu Canolfan Adnoddau Arbenigol Awtistiaeth ac Anghenion Cyfathrebu Cymdeithasol newydd â 42 lle yn Ysgol Uwchradd Fitzalan yn yr adeiladau presennol.

Cynigir gweithredu'r cynnig o fis Ionawr 2027.

Cynhelir yr ysgol gan Gyngor Caerdydd ar hyn o bryd.

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Mae adroddiad ymgynghori sy'n cynnwys crynodeb o'r materion a godwyd gan ymgynghoreion ac ymatebion yr Awdurdod a barn Estyn ar y newid arfaethedig ar gael i'w weld yma:

[Agenda Cabinet ar Dydd Iau, 28ain Mai, 2026, 2.00 pm : Cyngor Caerdydd \(moderngov.co.uk\)](http://moderngov.co.uk)

Ar hyn o bryd, capasiti'r ysgol yw 1500 o leoedd ar gyfer plant 11-16 oed. Mae 350 o leoedd chweched dosbarth. Y nifer presennol o ddisgyblion yn yr ysgol yw 1473 (11 – 16) a 360 (chweched dosbarth).

Nid oes unrhyw gynlluniau i newid polisi'r Cyngor ar dderbyn plant i ysgolion o ganlyniad i'r cynigion hyn.

Rheolir derbyniadau i'r ganolfan adnoddau arbenigol gan yr awdurdod lleol, yn amodol ar Gynllun Datblygu Unigol (CDU).

Bydd derbyniadau i'r Ganolfan Adnoddau Arbenigol ar wahân i'r derbyniadau i'r brif ysgol a byddant yn ychwanegol at y Nifer Derbyn Cyhoeddedig (NDC).

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.

O fewn 28 diwrnod o ddyddiad cyhoeddi'r cynigion hyn, sef hyd at 13 Gorffennaf 20246, caiff unrhyw berson wrthwynebu'r cynigion hyn.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd i'r cyfeiriad e-bost canlynol: ymatebionysgolion@caerdydd.gov.uk

Nodwch fod rhaid i unrhyw wrthwynebiadau o'r fath gynnwys enw llawn a chyfeiriad post yr un sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 niwrnod, gan ddechrau ar y diwrnod y penderfynir ar y cynnig.

Dyddiedig 16 Mehefin 2026

Llofnod: Debbie Marles
Cyfarwyddwr Llywodraethu a Gwasanaethau Cyfreithiol

NODYN ESBONIADOL

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Mae Cyngor Caerdydd wedi ymrwmo i egwyddorion cynhwysiant. Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol, ac yn elwa ar Ddarpariaeth Ddysgu Ychwanegol (DDdY) effeithiol. Nid oes angen i'r dysgwyr hyn fynychu ysgol arbennig na chanolfan adnoddau arbenigol.

Fodd bynnag, cydnabyddir, er mwyn ffynnu a chyflawni eu potensial, fod angen i blant a phobl ifanc sydd â'r anghenion dysgu ychwanegol mwyaf cymhleth gael mynediad i amgylcheddau arbenigol ac arbenigedd ysgol arbennig neu ganolfan adnoddau arbenigol. Mae nifer y disgyblion ag anghenion difrifol a chymhleth sydd angen lle mewn ysgol arbennig neu ganolfan adnoddau arbenigol wedi parhau i dyfu.

Mae'r Cyngor wedi ymrwmo i ddatblygu a chynyddu'r ddarpariaeth ymhellach ar gyfer dysgwyr oed uwchradd sydd ag awtistiaeth ac anghenion cyfathrebu cymdeithasol. Gallai hyn fod mewn darpariaeth lles dros dro sy'n cefnogi dysgwyr i barhau mewn ysgolion prif ffrwd, ac mewn darpariaeth arbenigol lle mae lleoliadau parhaol yn briodol.

Yn ogystal â'r cynnig ar gyfer Ysgol Uwchradd Fitzalan, mae cynnig i sefydlu darpariaeth canolfan adnoddau arbenigol cyfrwng Cymraeg Awtistiaeth/Anghenion Cyfathrebu Cymdeithasol ar gyfer disgyblion oedran uwchradd yn Ysgol Gyfun Gymraeg Bro Eder yn cael ei ddatblygu. Ar gyfer disgyblion oedran cynradd, mae cynnigion i sefydlu darpariaeth canolfan adnoddau arbenigol yn Ysgol Gynradd Hywel Dda ac Ysgol Gynradd Radnor a darpariaeth canolfan adnoddau arbenigol cyfrwng Cymraeg yn Ysgol Glan Morfa yn cael eu datblygu.

Mewn perthynas ag Anghenion Dysgu Cymhleth, mae cynnigion i sefydlu canolfannau adnoddau arbenigol yn Ysgol Gynradd Adamsdown, Ysgol Gynradd Pencaerau ac Ysgol Gynradd Peter Lea yn cael eu datblygu. Mae'r ehangiaid arfaethedig o Ysgol Arbennig Meadowbank, sy'n darparu lleoedd Anghenion Dysgu Cymhleth i ddisgyblion oedran cynradd, Ysgol Arbennig Tŷ Gwyn sy'n darparu lleoedd Anghenion Dysgu Cymhleth i ddisgyblion oedran cynradd ac uwchradd ac Ysgol Uwchradd Woodlands sy'n darparu lleoedd Anghenion Dysgu Cymhleth i ddisgyblion oedran uwchradd hefyd yn cael eu datblygu.

Mewn perthynas ag Anghenion Iechyd a Lles Emosiynol, mae cynnigion i sefydlu canolfan adnoddau arbenigol cyfrwng Cymraeg yn Ysgol Gymraeg Coed-y-Gof ac i gynyddu'r nifer dynodedig o leoedd ar ddarpariaeth canolfan adnoddau arbenigol ar gyfer disgyblion oedran cynradd yn Ysgol Gynradd Baden Powell ac Ysgol Gynradd y Tyllgoed yn cael eu datblygu. Mae ehangiad arfaethedig Ysgol Arbennig Greenhill, sy'n darparu lleoedd Iechyd a Lles Emosiynol i ddisgyblion oedran uwchradd hefyd yn cael ei ddatblygu.

Gellir gweld manylion y cynnigion hyn a chopïau o'r hysbysiadau statudol yn:

[Cynnigion ac Ymgynghoriadau \(caerdydd.gov.uk\)](http://caerdydd.gov.uk)